

## Sakramant ar Briedelezh

### AN ASANT

Ar beleg : X ha Y. Klevet hoc'h eus Komz Santel an Aotrou Doue hag en deus diskleriet d'an dud petra eo ar Garantez hag ar Briedelezh. Bremañ ez it d'en em reiñ an eil egile. Daoust hag e rit kement-se n'eo ket en desped d'ho polontez hoc'h-unan met a galon vat ?

R/ : Ya !

Ar beleg : Ez it da brometiñ bezañ fidel an eil d'egile. Daoust hag e fell deoc'h bezañ fidel d'ho promesa a-hed ho puhez e gwirionez ?

R/ : Ya !

Ar beleg : Roit eta ho torn dehoù an eil d'egile.

X. Daoust hag e fell deoc'h kemer evel pried Y. a zo amañ dirazoc'h evit he c'harout fidel, er yec'hed hag er c'hleñved, en eürusted hag er boan a-hed he buhez penn-da-benn ?

R/ : Ya !

Y. Daoust hag e fell deoc'h kemer evel pried X. a zo amañ dirazoc'h evit e garout fidel, er yec'hed hag er c'hleñved, en eürusted hag er boan a-hed e vuhez penn-da-benn ?

R/ : Ya !

Adalek bremañ ez oc'h unanet gant Doue + er Briedelezh. Pedit eta en ho kalonoù en ur soñjal gant anaoudegezh vat er pezh en deus graet Doue evidoc'h.

Gant ho testoù, ho kerent, ho mignoned, holl a-unan, lavaromp bennozh ha trugarez d'an Aotrou Doue.

### BENNOZH AR GWALINIER

Ar Beleg : Aotrou, C'hwi hon Doue, hoc'h eus skoumet Emglev ganeomp dre Hor Salver Jezuz Krist, plijet ganeoc'h skuilhañ ho pennozh war ar gwalinier-mañ, ha da X. hag Y. o dougo war o biz roit ar c'hras da vezañ fidel d'an emglev a skoulmont hiziv etrezo.

Ar priedoù en ur rein ar walenn-eured an eil d'egile a c'hell lavarout :

Y. Me a ro dit ar walenn-mañ evel ur merk eus hor c'harantez hag eus hor fealded.

X. Me a ro dit ar walenn-mañ evel ur merk eus hor c'harantez hag eus hor fealded.

Ar beleg : X. hag Y., bevit el levez, en em garit an eil egile evel m'hoc'h eus prometet, diouzh skouer Hor Salver Jezuz Krist hag an Iliz santel e bried.

*Les formules pour se marier en breton. (d'après les traductions de l'abbé Clerc dans Barr-Heol, 1969). Imprimatur 1970 Sant Brieg. H. Gloagen, vikel vras.*